

CHRISTOPHORVS SCHORRER
Societatis IESV per Superiorem Germaniam
Visitator ac Vice-Provincialis.

Cum librum, cui titulus: ANIMÆ ILLUSTRES
Iulix, Clivix, Montium, Marchix, Ra-
venspurgij, Morsæ annexarumque Provincia-
rum è monumentis redivivæ, à P. THEODORO
RHAY *Nostra Societatis Socerdote* conscriptum ali-
quot nostri Patres, quibus id commissum est, reco-
gnoverint, & in lucem edi posse probauerint,
potestatem facimus vt typis mandetur. In
cuius rei testimonium has litteras manu nostrâ
subscriptas, sigillôque nostro munitas dedimus
Neoburgi 24. Augusti Anno Domini 1663.

CHRISTOPHORVS SCHORRER.

LECTORI MEO

E Typographorum manibus & Præli sudo-
ribus, humanissime & erudite lector, in tuas
manus evolat libellus hic mole quidem parvus,
& auctore etiam obscurus; sed ab ILLVSTRIBVS
ANIMABVS Iulix, Clivix, Montium, Marchix,
quas continet, illustris, ut proinde & illos, qui
severiori suo pro ingenio & insanabili cavil-
landi alienaque carpenti cacoëthe feruntur, e-
tiam faventes speret. Quâ benevolâ spe fretus,

Provinciarum istarum tam Indigetes, quam In-
 quilinos Sanctos, magnosque homines ad mo-
 dum Fastorum in lucem, educit, ne sub ruinis
 seculorum Archivorumque latibulis gementes
 pudenda oblivione æternum sepulti jacerent.
 Neque id abs re, & sine exemplo maiorum fieri,
 Natalium libri, Menæa, Sacraria, Menologia,
 Hagiologia, Hierophylacia abundè testantur,
 qui homines & Divos ex corpore suo sanctius
 defunctos, per Calendas & annos digestos in
 lucem misere, & præcipue eos, quorum nomi-
 na intra provinciarum tantum fines, neque
 extra eos forent cognita, aut minus vulgata.
 Ad hosce *Provinciales Sanctos* accessere PALATINI
 SANGVINIS DIVI COGNATI, qui in eadem inclitâ domo,
 Subiectisque illi provincijs nati, versati, denati
 sunt; vel suorum Lipsanis importatis; aut singulari
 aliquâ religione, sanctitatisque vestigio cum Christo
 & Augustissima eius Matre coluntur, ut eorum
 Julia, Clivia &c. PRINCIPVM tenera PALATINA
 IUVENTUS, unâ cum primis legendi, studiorumque
 principijs, illustria suorum præcipue nomina & merita
 sensim quasi sine sensu imbibat, Maiorumque signa-
 tam vestigijs semitam, ita Regionum, Religionisque
 publico olim bono sequatur, ut sic transeat per hæc
 temporalia,

Dispositio

operis

Scopus

Auctoris

*temporalia, ne unquam (Serenissimorum Parentum
pio voto) amittat aeterna.*

Quo affectu & tuum erit, Candide Lector,
exiles hos nostros conatus fovere, & omissa
fortè DOCUMENTORVM INFORMATIONISQVE de-
fectu *Sanctorum Nomina* benevolè inserere &
subnatos errores eruditè corrigere, ILLVSTRESQVE
HAS ANIMAS largioribus aliquando encomijs il-
lustriores reddere, ut tuis auspicijs, è tenebris
in lucem quasi denuò nati, tui memores, vivo,
mortuòque (qui mos Sanctorum est) gratiam
reponant. Sic opto, sic volo, lege, admone, iu-
va, adde, deme, corrige. Ego utilitati tuæ stu-
dere non desistam. Quo fine Auctores passim
adijcio & fontes digito ostendo. Tu interea,
lector benevole, tenui hoc labore nostro fruc-
re, Divòsque nobiscum cole, ut illis olim accen-
si nos inter illos vivamus, & triumphemus.
Quo sancto in voto, ne te ampliùs in limine
teneam, finio, I modo, & opellam hanc nostram
favendo lege, & legendo, omni seposito
studio & affectu,

fave.

VETERVM PATRVM TESTIMONIA

de memorijs Sanctorum in Ecclesia celebrandis.

TERTVLLIANVS, qui vixit anno post Christum natum,
160. lib. de Corona militis. OBLATIONES pro defunctis,
pro natalitijs. annua die facimus. Cypri-

CYPRIANVS, qui vixit anno 260. lib. 3.

Epist. 6. de martyribus ita scribit:

Dies eorum, quibus excedunt, annota, ut commemorationes eorum inter memorias Martyrum celebrare possimus. Et paulò post: significet mihi dies quibus in carcere beati fratres nostri ad immortalitatem gloriosæ mortis exitu transcunt, & celebrentur hic à nobis oblationes, & sacrificia ob commemorationes eorum,

AMBROSIVS, qui ante annos 1100 floruit.

Serm. 7. in natali Tauricorum Martyrum:

Cum Omnium sanctorum Martyrum fratres devotissimè natalem celebrare debemus, tum eorum præcipuè solemnitas totâ nobis veneratione curanda est, qui in nostris domicilijs proprium sanguinem profuderunt.

AVGVSTINVS, ab eodem Ambrosio baptizatus, in Psalmum LXXXVIII. Natalitia sanctorum cum sobrietate celebrate, ut imitemur eos, qui nos præcesserunt, & gaudeant de vobis, qui orant pro vobis, ut benedictio Domini in æternum maneat super vos.

GREGORIUS MAGNVS qui anno 600.

vixit, ad Eulogium Alexandrinum.

Episcopum lib. 7. Epist: 29.

Nos autem penè Omnium Martyrum distinctis per dies singulos passionibus, collecta in uno codice nomina habemus, atque quotidianis diebus in eorum venerationes Missarum solemnia agimus: non tamen in eodem volumine quis qualiter sit passus indicatur,

sed tantummodo nomen, locus &

dies passionis

ponitur.

Die I.